



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Chanzlia federala ChF

# La salamuira dat il gust a la pulpa

Ina curta instrucziun civica ed electoralala  
per las elecziuns dal Cussegl naziunal  
dals 23 d'october 2011



Stimadas electuras, stimads electurs

Cun questa broschura As vuless jau far appetit per las elecziuns dal Cussegli naziunal dal 2011 ed As animar dad ir ad eleger.

Il sistem politic e la gastronomia en Svizra han ina chaussa communabla: Els èn unics e d'aut nivel ed els ans dastgan cun dretg render superbias e superbis. En nagin auter stadi sin quest mund na pon las burgaisas ed ils burgais sa participar uschè activamain a la politica sco en Svizra e nagin auter pajais n'ha uschè bleras cuschinunzas ed uschè blers cuschinunzs d'emprima classa ed uschè blers restaurants da renum per abitant.

Per savair cuschinari bain dovri inschign, products frestgs, en emprima lingia però er il plaschair d'empruvar insatge nov e da crear recepts innovativs. Er en la politica èn dumandads recepts cumprovads e recepts novs per schliar ils problems multifars e per satisfar las differentas gruppas d'interess. En la concurrenza per las meglras ideas politicas e per ils meglriers recepts politics giogan las partidas ina rolla impurtanta e perquai dain nus a quellas ch'en actualmain represchentadas en il parlament l'occasiju da preschentar lur «menu» en questa broschura. Sco electura u sco electur faschais Vus part da la giuria democratica cun Vossa vusch, respectivamain cun Voss cedel electoral.

Per che Vus survegnias propri gust e plaschair da las elecziuns dal Cussegli naziunal, hai jau preparà in recept per ina buna tratga a la fin da questa broschura. Igl è ina tratga fitg tradiziunala da mes chantun d'origin ch'è dentant vegnida raffinada d'in cuschinunz d'emprima classa d'in auter chantun muntagnard, dal Vallais. Empruvai sezs. La tratga è simpla da cuschinari e gusta grondius.


Na laschai betg vegnir fraida la tratga e gaij ad eleger. Jau As engraziel cordialmain persuenter ed As giavisch bun divertiment cun sfegliar tras nossa curta instrucziun culinarica ed electoralala.

La chanceliera federala

*Corina Casanova*

Corina Casanova





Funtauna da la grafica: Post da perscrutaziun sotomo  
a l'Institut da geografia da l'Universidad da Turitg

### Tgi è nua?

Las 200 perlas da zutger sin nossa turta mussan il cumportament da votar da las differentas partidas en il Cussegl naziunal, respectivamain da las singulas parlamentarias e dals singuls parlamentaris durant la legislatura currenta. Dal december 2007 fin a la sessiun da stad dal 2011 hai dal rest dà 4208 votaziuns en il Cussegl naziunal.

Las partidas èn gruppas politicas cun mintgamai differentas ideologias – pia cun differentas opiniuns davart il stadi, davart la sociedad e davart l'economia. La posiziun da las partidas sco er da las singulas commembras e dals singuls commembers dal parlament mussa quant damanaivel u quant lunsch davent ch'els stattan in da l'auter.

Noss stadi è transparent. Sur l'internet – [www.parlament.ch](http://www.parlament.ch) – po ozendi mintgina e mintgin perseguitar las debattas parlamentarias e vesair, tge che las commembras ed ils commembers dal Cussegl naziunal din tar ils projects da votaziun e co ch'ellas ed els voteschan.

- |             |               |
|-------------|---------------|
| ● PPS       | ● PVL         |
| ● PS        | ● PEV         |
| ● PLD       | ● UDF         |
| ● PCD       | ● LEGA        |
| ● Ils Verds | ● PCS         |
| ● PBD       | ● La Sanestra |

# Partida populara svizra PPS



## Onn da fundaziun

1971 (PMB\*: 1917)

## Vuschs obtregnidas

en las elecziuns dal Cussegli naziunal 2007  
28,9%

## Commembras e commembres

90 000

## Mandats en il Cussegli naziunal

58

## Mandats en il Cussegli dals chantuns

7

## Adressa postala

Secretariat general  
Chascha postală 8252  
3001 Berna

## Adressa d'internet

[www.svp.ch](http://www.svp.ch)

\* PMB: partida da purs, mastergnants e burgais

La PPS è vegnida fundada l'onn 1971 cun la fusiun da la partida da purs, mastergnants e burgais (PMB) e da las partidas democraticas dals chantuns Glaruna e Grischun ed è cun sia quota d'electuras e d'electurs da 29 % la partida la pli ferma en Sviza. Cun l'elecziun dad Ueli Maurer en il Cussegli federal ils 10 da decembre 2008 è la PPS puspè vegnida integrada en la regenza naziunalna. Ella è dentant cleramain sutrepresentanda.

La PPS stat en spezial per ina Sviza independenta e neutrala, per in stadi cun structuras effizientas, per taglias pli bassas, per ina Sviza sco lieu economic ferm cun pazzas da laver segiras sco er per in combat efficazi cunter la criminalitat e cunter l'abus d'asil e cunter l'abus social.

## Noss recept

Qualitad svizra betg mo en il logo:

La PPS Sviza è la partida che sa senta – senza restricziuns – responsabla per la Sviza.

En quest connex ans tegnain nus vi dal «contract cun il pievel»:

- nus na vulain betg ans participar a l'Uniu europeica
  - nus vulain expulsar la personas estras che daven-tan criminalas
  - nus vulain reducir las taglias per tuttas e per tuts
- Cun questa clera politica che sa basa sin valurs burgaisas vul la PPS garantir a noss pajais bainstar, pazzas da laver ed in avegnir seguir en libertad.

# Las ingredienzas tschernis Vus

Tgi che vul sa procurar in mandat en il Cussegli naziunal, vegn a sa preschentiar a «sias» electuras ed a «ses» electurs d'avantatg ad occurrentas d'elecziun, en las medias e sur l'internet. Quai è in temp da bler stress per tut las candidatas e per tut ils candidats durant il qual ellas ed els cumenzan bain mintgatant a suar sco noss legums en la padella. Avant quatter onns èn sa messas a disposiziun per l'elecziun passa 3000 personas en tut la Sviza.

Noss sistem electoral è pretensius. Sin plaun chantunal hai dà l'onn 2007 fin a 29 differentas glistas electoralas. Vitiers vegnan anc colliaziuns da glistas e schizunt sutcolliaziuns da glistas. I n'è pia betg uschè simpel da mantegnair la survista.

Ma en Sviza – nua che tut las Svizras e tut ils Svizzer maiorens a partir da 18 onns n'hann betg mo il dretg d'eleger e da votar, mabain er il dretg da sa metter a disposiziun per sa laschar eleger – pretendan ins insatge da las burgaisas e dals burgais.

I fiss bel sche la mesadad da las personas cun dretg d'eleger na sa laschass questa giada betg starmentar da quai.



# Partida socialdemocratica PS



La PS fa dapi il 1888 ina politica per tuts e betg mo per paucs. Ina politica engaschada per locataris, consuments, laverants e famiglias. La PS na vul nagina politica che serva ad interess particulars d'in pèr paucs che prendan e survegnan adina dapli: boni, indemnisiuns spezialas u reduziuns da taglia. Nus vulain ina politica per tut la populaziun, ina Svizra en la quala nus tuts surprendain ensemble responsablidad e betg in pajais dad egoists. Perquai cumbatta la PS cun Vus. En la politica, en l'economia ed en il mintgadi.

## Noss recept

Ina politica per tuts, betg mo per paucs:

- Segirezza sociala: I po adina capitlar ch'intgin na po betg pli procurar per sasez. Alura dovri ina rait sociala che porta. La PS s'engascha per ina societad che na lascha nagin a mesa via.
- Capacitad da cumpra: La fin dal mais duain er anc esser in pèr daners en la bursa. Tgi che lavura duai er pudair viver da ses salari. Da quai profitain nus tuts – er l'economia. Er quella dovrà numnadament consumetas e consuments che pon sa prestar insatge.
- Provediment d'energia: Cun energias regenerables e cun in'effizienza energetica pli gronda pudain nus manar ina vita agreable er en il futur. Uschia frain nus la midada dal clima, bandunain la forza nucleara e stgaffin novas plazzas da lavour.

Onn da fundaziun  
1888

Vuschs obtegnidas  
en las elecziuns dal Cussegli naziunal 2007  
19,5%

Commembras e commembres  
35 000

Mandats en il Cussegli naziunal  
42

Mandats en il Cussegli dals  
chantuns

8

Adressa postal  
Spitalgasse 34  
Chascha postal  
3001 Berna

Adressa d'internet  
[www.spschweiz.ch](http://www.spschweiz.ch)

# La Svizra, la monarchia la pli gronda

Pauc emporta quant gronda che l'equipa da cuschina è, quants spezialists qualifi-gads che lavuran en ella, en cuschina datti in sulet schef che cumonda.

Tut auter en la politica: En Svizra avain nus ina relaziun critica envers memia blera pussanza. Quella vegn repartida en trais pussanzas: il parlament, che consista dal Cussegli naziunal e dal Cussegli dals chantuns, la regenza, che consista dal Cussegli federal cun set commembres e commembres e la dretgira suprema che consista dal Tribunal federal, dal Tribunal penal federal e dal Tribunal administrativ federal.

En Svizra n'elegia il pievel betg mo ses parlament. Cun il dretg da referendum e d'iniziativa ha el schizunt la pussaivladad d'approvar ses far u d'inoltrar atgnas propostas.

Tar nus na vala betg mo en la gastronomia ch'ils clients èn retgs: er en la politica cumondan la finala las passa 5 milions persunas cun dretg da votar e d'eleger las turtas.

Patron.

## PLD.Ils Liberals



### Onn da fundaziun

2009 (PLD: 1894)

### Vuschs obtregnidas

en las elecziuns dal Cussegl naziunal 2007  
17,7 %

### Commembras e commembres

130 000

### Mandats en il Cussegl naziunal

35\*

### Mandats en il Cussegl dals chantuns

12

### Adressa postala

Neuengasse 20  
Chascha postala 6136  
3001 Berna

### Adressa d'internet

[www.fdp.ch](http://www.fdp.ch)

\* Avant la fusun cun la partida liberala l'onn 2009 aveva la PLD 31 mandats e la PL 4 mandats en il Cussegl naziunal.

### Il menu liberal

Prestaziun, responsabladad, curaschi e stabilitad politica han fatg il success da la Svizra. Oz è questa furmla però en privel. Ils sanesters avugadeschan e sbluttan tuts che lavuran e spargnan. Ils blocadars da dretga saboteschan las cunvegnas bilaterals ed impedeschan bunas soluziuns sco tar la AVS e tar ils custs da sanadad. Per che la Svizra restia vinavant al chau, stuain nus prender per mauns las refurmias necessarias en moda segira ed averta. Sco partida da refurma cumbattain nus che l'istorgia da success da la Svizra giaja vinavant. L'onn 2011 è in onn decisiv. Nus ans engaschain cun soluziuns onestas. I n'en betg la polemica e la malscuidanza che han contribui al success da noss pajais, mabain la voluntad sincera da surpigliar responsabladad. Per amur da la Svizra – cun curaschi e cun giudizi.

### Noss recept

- Dapli pazzas da lavour: La PLD s'engascha per cundiziuns generalas optimalas per l'economia. Ina plazza da producziun, da finanzas e da perscrutaziun ferma stgaffescha pazzas da lavour e garantescha noss bainstar.
- Ovras socialas segiras: In mantun da debits da passa 20 milliardas francs smanatscha l'assicuranza d'invaliditat e l'assicuranza cunter la dischoccupaziun. Er la AVS è en privel. La PLD cumbatta cun refurmias per ovras socialas segiras.
- Main birocracia: Il stadi duai servir als burgais – e betg viceversa. Pervia da quai ans engaschain nus per main prescripziuns e scumonds, per taglias simplas e bassas e per dapli libertad.

## Tge salata

Mintga fatschenta vegn tractada en il parlament da duas chombras – da la gronda, il Cussegl naziunal cun 200 sezs, sco er da la pitschna, il Cussegl dals chantuns, cun 46 sezs. Il Cussegl naziunal represchenta la populaziun totala, il Cussegl dals chantuns ils stadiis commembres da la Confederaziun, ils chantuns. En quest sistem sa mussan ils dus princips da la structura dal stadi: il princip democratic, nua che tut las personas cun dretg da votar han il medem pais politic, ed il princip federalistic, nua che las vuschs dals chantuns pitschens han la medema forza sco las vuschs dals chantuns gronds.

Sche las duas chombras n'en betg perina, poi dar la situaziun ch'insatgi di: «Tge salata». Lura dovri in bun sbattin per maschadar l'ielie e l'aschieu e las outras ingredienzas. U en terms politics: in ulteriur barat d'arguments tranter las duas chombras. Questa procedura che ha la finamira da chattar in accord ed ina votaziun unitara en omaduas chombras, numnan ins «eliminaziun da las differenzas».

L'essenzial è che la sosa – e cun ella l'entira salata – gustia la finala a tutti.



# Partida cristianodemocratica Svizra PCD



## Per ina Svizra che ha success

Sco vasta partida populara representanta la PCD cun passa 100 000 commembras e commembres tut quels umans che gidan a realisar il progress da noss pajais. Sco partida dal center ha la PCD ina posizion autonoma e ferma. Ella na polarisescha betg, mabain lavura vi da soluzions constructivas. Ella s'engascha per la gulivaziun tranter ils differents basegns dals umans en noss pajais. La PCD stat per la Svizra sco model da success. En il Cussegli federal vegn questa politica representantada da Doris Leuthard. La PCD ha in'orientaziun surconfessiunala. Maniera e respect en la vita da mintgadi, sco er en la politica, èn per ella valurs centralas. Sco partida da valurs metta ella l'uman en il center.

## Onn da fundaziun

1970 (PCC\*: 1912)

## Vuschs obtegnidas

en las elecziuns dal Cussegli naziunal 2007  
14,5 %

## Commembras e commembres

100 000

## Mandats en il Cussegli naziunal

31

## Mandats en il Cussegli dals chantuns

14

## Adressa postala

Klaraweg 6  
Chascha postala 5835  
3001 Berna

## Adressa d'internet

[www.cvp.ch](http://www.cvp.ch)

\* PCC: partida catolica conservativa

# Sin il plat da la stadaira

La chombra gronda ha 200 sezs. En vista a la populaziun da passa 7,7 milliuns datti pia in mandat en il Cussegli naziunal per circa mintga 38 500 abitants. En chantuns che han a basa da lur populaziun il dretg d'avair pli che in mandat, vegnan las repartiziuns fatgas tenor il sistem electoral da proporz. Quai vul dir ch'i vegn l'emprim erù quantas vuschs che mintga partida ha survegni. Pir lura vegnan repartids ils mandats da mintga partida sin las persunas cun las pli bleras vuschs.

I po pia bain esser ch'ina candidata u ch'in candidat cun main vuschs ch'insatgi auter è elegì, perquai che sia partida ha obtegnì tut en tut dapli vuschs.

En chantuns pitschens che han a basa da lur populaziun mo il dretg ad in sulet mandat – Uri, Glaruna, Sursilvania, Sutsilvania ed ils dus Appenzell – survegn la persuna cun las pli bleras vuschs quest mandat. Tar questa procedura discurran ins dal sistem electoral da maiorz.

Proporz u maiorz n'importa betg – Vossa vusch quinta en mintga cas.



# Partida ecologica svizra Ils Verds



## Verds davaira, verds da vaglia.

Ils Verds s'engaschan per in mund en il qual regna in equilibre traanter l'ambient, l'economia e la societat. La protecziun da l'ambient e dal clima sto vegnir realisada tant sco la giustia sociala, la democrazia, la pasch e la solidaritat. Ils Verds lavuran pragmaticamain per promover energias regenerablas, per proteger il clima e per transformar l'economia en in ciclus fair ed ecologic.

## Noss recept

- Renunziar a l'energia nucleara: Ils Verds vulessan che la Svizra renunzia uschè spert sco pussaivel a l'energia nucleara. Lur iniziativa per la renunzia a l'energia nucleara mussa la via.
- Proteger il clima: La Svizra sto reducir sias emisiuns da gas cun effect da serra per almain 30 pertschient. L'iniziativa per il clima è il gist recept.
- Crear in'economia ecologica: Ils Verds vulessan abolir la societat sguazzanta e crear empè da quai in'economia circulara che spargna las resursas. Perquai avain nus lantschà l'iniziativa per in'economia verda.
- Avrir la Svizra al mund: Ils Verds s'engaschan per ina Svizra conscienta da sia tradiziun umanitara ed averta envers l'Europa ed il mund. Perquai dovrì ina politica da migraziun liberala, pajas minimalas gistas, taglias equilibradas ed ina planisaziun dal spazi durabla.

## Onn da fundaziun

1983

## Vuschs obtégnidas

en las elecziuns dal Cussegl naziunal 2007  
9,6 %

## Commembraas e commembraas

7500

## Mandats en il Cussegl naziunal

20

## Mandats en il Cussegl dals chantuns

2

## Adressa postală

Waisenhausplatz 21  
3011 Berna

## Adressa d'internet

[www.gruene.ch](http://www.gruene.ch) / [www.gruenwahlen.ch](http://www.gruenwahlen.ch)

# Ina tscharescha attira l'autra

En blers chantuns vegnan las elecziuns dal Cussegl dals chantuns fatgas il medem mument sco las elecziuns dal Cussegl naziunal. Quellas vegnan fatgas tenor dretg chantunal. Tar las elecziuns dal Cussegl dals chantuns stattan ils chaus, las personalitads, bler dapli en il center che las partidas. La procedura electorala da maiorz ha per consequenza che las partidas grondas e fermas vegnan privilegiadas, minoritads perencunter na survegna nagut. En tut ils chantuns – cun excepciuon dals chantuns Giura e Neuchâtel – elegian las burgaisas ed ils burgais lur represchentantas e lur represchentants per il Cussegl dals chantuns numnadament tenor la procedura da maiorz.

La chombra pitschna ha mo 46 sezs. 20 chantuns tramettan mintgamai duas represchentantas u dus represchentants a Berna, ils anteriurs mez chantuns Sursilvania, Sutsilvania, Basilea-Citad, Basilea-Champagna, Appenzell Dadora ed Appenzell Dadens mintgamai mo ina represchentanta u in represchentant.

A propos represchentantas e represchentants: Dal 2010 sesevan en il Cussegl naziunal 30 % dunnas, en il Cussegl dals chantuns stgars 20%.



# Partida burgais-democratica PBD



## PBD – il sal en la schuppa burgaisa

La PBD stat per ina politica burgaisa e pragmaticia senza in orizont restrenchì e senza temas da sa scuntrar. Ella sa basa sin il dialog e fa ina politica pragmaticia per la classa mesauna e per las interpretas pitschnas e mesaunas. La PBD schlargia il center e gida activamain a furmar maioritads per schliar ils problems actuals e per rinforzar la stabilitad da la Svizra. Ils resultats da las elecziuns en ils chantuns han mussà ch'igl è avant maun in basegn d'ina partida burgaisa moderna che sa differenziescha da las otras partidas tranter auter tras il fatg ch'ella s'engasca senza resalvas per in'economia sauna e per in'armada ferma e ch'ella na serra en quest connex betg ils egls davant dumondas da l'ambient e davant midadas en la societad.

## Noss recept

La PBD n'è betg ina partida d'opposiziun, mabain cumbatta cun outras forzas burgaisas per soluziuns solidas. Ella sustegna la creschientscha ed il svilup da l'economia, dentant betg sin donn e cust da l'ambient e da la proxima generaziun. Ella è per ina commembranza activa da la Svizra en la ONU e cunter ina participaziun a la UE. La via bilaterala per la convivenza cun la UE sto vegnir perseguizada vinavant. La PBD è s'exprimida per ina sortida controllada e coordinada or da l'energia nucleara fin l'onn 2040. Il scenari da sortida da la PBD è vegnì surpiglià dal Cussegli naziunal. La PBD è per ina politica da segirezza ferma e vardaivla. Acziuns da l'armada a l'exterior tenor ils princips vertents duain er esser pussaivlas en l'avegnir.

## Onn da fundaziun

2008

## Commembras e commembres

6500

## Mandats en il Cussegli naziunal

5

## Mandats en il Cussegli dals chantuns

1

## Adressa postalà

Museumsstrasse 10  
3000 Berna 6

## Adressa d'internet

[www.bdp.info](http://www.bdp.info)

# Ina transparenza perfecta

Las parlamentarias ed ils parlamentaris sesan en ina chasa da vaider sco noss le-gums en la schelatina. Mintgina e mintgin po assister libramain a lur lavour principala, las debattas davart leschas e davart midadas da la constituziun durant las quatter sessiuns la primavaira, la stad, l'atun e l'enviern. Saja quai da la tribuna publica u sur l'adressa d'internet [www.parlament.ch](http://www.parlament.ch), nua che tut las debattas parlamentaras vegnan transmessas live.

Sut la medema adressa pon ins er consultar il Bulletin uffizial ed ins po vegnir a savair per exempl, tgi che ha inoltrà ina da las 7200 intervenziuns parlamentaras. Dapi il cumençament da la legislatura 2007 fin a la sessiun da stad dal 2011 èn vegnidias inoltradas 441 iniziativas parlamentaras, 1755 moziuns, 606 postulats, 1745 interpellaziuns, 535 dumondas parlamentaras e 2118 dumondas en scrit.

L'impressiun ch'ins survegn sin la tribuna politica po pia engianar; ultra da l'activitat principal, las debattas e las conclusiuns da leschas, na legian ins betg mo la gasetta en il parlament.



## Partida verd-liberal da la Svizra PVL



### Onn da fundaziun

2007 (la pvl ZH datti dapi l'onn 2004)

### Vuschs obtegnidas

en las elecziuns dal Cussegli naziunal 2007  
1,5 %

### Commembras e commembers

3300

### Mandats en il Cussegli naziunal

3

### Mandats en il Cussegli dals chantuns

2

### Adressa postală

Chascha postală 367  
3000 Berna 7

### Adressa d'internet

[www.grunliberale.ch](http://www.grunliberale.ch)

Ils verd liberals s'engaschan sco partida giuvna per la cumpatibilitad da finamiras ecologicas cun interess economics. Perquai che nus essan er en l'avegnir dependents d'in ambient intact e da finanzas saunas na dastgain nus viver en nagin sectur sin donn e cust da generaziuns vegnintas. Cun instruments da l'economia dal martgà e cun taxas directives, betg cun scumonds e cun prescripziuns, duain vegnir stgaffids stimuls per che la mesira vegnia mantegnida. Cun lur represchentanza en il Cussegli naziunal, en il Cussegli dals chantuns, en – actualmain – tredesch parlaments chantunals ed en divers gremis communals, han ils verd liberals pudi sa stgaffir ina bona basa politica.

### Noss recept

Cun in coc verd e cun in agir liberal tschertgain nus vias per tegnair en in equiliber aspects da l'ambient, dumondas socialas ed interess economics. Nus politisain cun objectivitat e cun respect. Betg mo envers la natira ed envers ils conumans, mabain er envers las finanzas. Nus vulain, independentamain da stretgas ideologias, da la religiun e da la veglia-detgna ubain da dretga e da sanestra, surpigliar responsablidad e porscher soluziuns modernas per sfidas actualas e futuras. Nossa finamira è quella da represchentar puntgs da vista verd-liberals en nossa societat e da gudagnar – cun arguments persvadents – ina maioritad per quels.

## Armonia dals senns

Las fracciuns sa constitueschan da represchentantas e da represchentants d'ina partida u da partidas ch'en politicamain parentadas. Per furmar ina fracciun dovrà almain tschintg commembraas u commembers dal medem cussegl. En las fracciuns vegnan predeliberadas las fatschentas impurtantas dal cussegl ed i vegn empruvà da chattar posiziuns cuminaivlas.

Las fracciuns han il dretg da delegar lur commembraas e lur commembers en cumissiuns parlamentaras. En questas vegnan las fatschentas predeliberadas intesivamain ed i vegnan tratgas decisiuns preliminaras. Per ch'ina partida possia far valair sia influenza politica, èsi fitg impurtant ch'ella saja represchentada en las cumissiuns. Las commembraas ed ils commembers infumeschan lur collegas da fracciun davart ils projects correspondents.

Avant las elecziuns dal Cussegli naziunal datti actualmain 6 fracciuns: quellas da la PPS, da la PS, da la PLD, ILS Liberals, da la PCD-PEV-PVL, dals Verds e da la PBD.



# Partida evangelica svizra PEV



## Valurs cristianas, politica umana

La PEV s'engasca per ina Svizra nua ch'ins po viver bain. Sin basa da valurs cristianas sco since-radarad, responsablidad, amur per il proxim, giustia, persistenza, solidaridad e pasch, fa ella ina politica pragmatica e tschertga soluziuns che servan al bain da tut ils umans.

Sco partida dal center po la PEV adina puspè influenzar ch'ina decisiun vegnia prendida a favur d'ina u da l'autra vart. Ella è ina forza fidada che tschertga la meglia soluziun per la Svizra, e quai en moda independenta e senza pregiudizis. En ils parlaments chantunals è la PEV representada cun circa 50 mandats, la partida giuvna \*pevg politise-scha dapi l'onn 2004.

## Onn da fundaziun

1919

## Vuschs obtegnidas

en las elecziuns dal Cussegl naziunal 2007  
2,4 %

## Commembras e commembres

4800

## Mandats en il Cussegl naziunal

2

## Mandats en il Cussegl dals chantuns

–

## Adressa postală

Nägeligasse 9  
Chascha postală  
3000 Berna 7

## Adressa d'internet

[www.evppev.ch](http://www.evppev.ch)

## Noss recept

L'emprim la famiglia. Sustegnair ils geniturs en lur responsablidad d'educaziun e distgargiar els finanzialmain nua che quai è necessari. Dapli supplements per uffants. Duvrar il mund e la natira en moda persistenta e mantegnair els per generaziuns futuras. Dapli energias regenerablas, dapli protecziun dal clima. In'economia gista che tracta ils umans e che dovrà las resursas cun gronda responsablidad ed en moda correcta. Salaris adequats. Finanzas publicas saunas cun reducir ils debits avant che sbassar las taglias. In sistem da taglia simpel senza zups. Protecziun da la vita umana e da sia dignitat. Solidaridad cun umans flaivels, povers e dependents d'agid. Obras socialas segiras che promovan l'atgna responsablidad. En l'interess da la Svizra!

# Quai è il resultat

Tuttas duas chombras han mintgamai dudesch cumissiuns permanentas. Quellas preparan detagliadament mintga fatschenta dal parlament. Duas cumissiuns, la Cumissiun da finanzas e la Cumissiun da gestiun, survegian ultra da quai la lavur dal Cussegl federal e da l'administraziun. Cuntrari a las sesidas dal Cussegl naziunal e dal Cussegl dals chantuns n'en las sesidas da las cumissiuns betg publicas. Las debattas confidenzialas duain pussibilitar ina discussiun averta tranter las commembras ed ils commembres e facilitar da chattar soluziuns cuminaivlas. Suenter lur sesidas infurmeschon las cumissiuns alura las medias.

Commembras e commembres che n'han betg pudì sa far valair en la cumissiun cun lur propostas pon far pli tard ina proposta da minoratad en il plenum dal parlament.

Tge che resulta da las reflecziuns, da las discussiuns e da las ponderaziuns dals avantatgs e dals dischavantatgs che duran dis e mais è quasi l'essenza – in fund cler che cuntegna tut ils aromas.

# Uniu democratica federala UDF



## Onn da fundaziun

1975

## Vuschs obtégnidas

en las elecziuns dal Cussegli naziunal 2007  
1,3 %

## Commembraas e commembbers

3000

## Mandats en il Cussegli naziunal

1

## Mandats en il Cussegli dals chantuns

–

## Adressa postală

Chascha postală 2144  
3601 Thun

## Adressa d'internet

[www.edu-schweiz.ch](http://www.edu-schweiz.ch)

La UDF è ina partida burgaisa cun in accent social.

Ella sa basa sin las valurs fundamentalas da la Biblia. Umans che han ina tenuta cristiana e che han ina chapientscha liberal-democratica chattan qua ina plattaforma idealia per lur engaschament politic. La UDF è preschenta en 18 chantuns (Svizra tudentga, Svizra romanda e Tessin) e politisescha en il Cussegli naziunal sco er en differents parlaments chantunals e communals, en cussegls communals ed en cumissiuns.

Sin la basa da valurs cristian-gidieus vulain nus gidar en moda constructiva a concepir il preschent e l'avègnir da noss pajais e far propostas orientadas a soluziuns. In engaschament en la giuvna UDF è pussaivel a partir da 16 onns.

## Noss recept

Rinforzar las valurs cristianas! Nus tschertgain soluziuns persistentas ed ans engaschain en responsabladad envers Dieu il Tutpuissant per ina Svizra liberala e legala. Nus n'ans orientain betg vi dal spiert dal temp u vi dal «mainstream», mabain vi da valurs da basa cumprovadas e vi da la chapientscha dal mund, da l'uman e da Dieu da la Biblia. Nus motivain ad in agir en atgna responsabladad. Protecziun da la vita umana en tut sias fasas sco er da l'ambient e dal mund intern, da la lètg tradiziunala e da la famiglia, da la Svizra sco plazza da scolaziun e da lavour. Finanzas equilibradas ed ina reducziun dals debits èn puncts centrals da nossa politica.

# Las tratgas precuschinadas èn a la moda

Bliers umans èn gia daditg sa disads a tratgas mezfinidas ch'ins sto mo pli stgaudar u al curier che porta a chasa la pizza bell'e pronta. Er tar las elecziuns ans faciliteschan las partidas u las uschenumnadas allianzas electoralas il proceder cun ans metter a disposiziun glistas electoralas prestampadas.

Vus pudais surpigiliar quellas sco quai ch'ellas èn u Vus pudais adattar ellas a Voss gusts personals, sco las tratgas precuschinadas. Vus pudais er stritgar e remplazzar ils numbs tras numbs d'autras glistas. Quai numnan ins «panaschar». Sin las glistas electoralas prestampadas èn tscherts numbs savens gia scrits duas giadas. Quai numnan ins «cumular». Er ils numbs ch'èn gia cumulads pudais Vus stritgar ina duas giadas ed als remplazzar cun auters numbs.

Correcturas sin las glistas electoralas prestampadas stuais Vus en mintga cas far a maun – il meglier cun bustabs da stampa. La fin finala na dastga ina glista dentant betg cuntegnair dapli numbs ch'il numer da sezs en il Cussegli naziunal che Voss chantun ha dabun, e nagin num na dastga cumparair dapli che duas giadas.



## Lega dei Ticinesi LEGA



### Onn da fundaziun

1991

### Vuschs obtégnidas

en las elecziuns dal Cussegl naziunal 2007  
1,3%

### Commembraas e commembbers

3000

### Mandats en il Cussegl naziunal

1

### Mandats en il Cussegl dals chantuns

–

### Adressa postală

Via Monte Boggia 3  
6900 Lugano

### Adressa d'internet

[www.legaticinesi.ch](http://www.legaticinesi.ch)

La Lega dei Ticinesi è vegnida fundada sco cuntramoviment a las partidas etablidias dapi decennis en il Tessin. Iis dus fundaturs Giuliano Bignasca e Flavio Maspoli han cumbattì da bel principi cunter ina politica arroganta ed èn s'engaschads per ils interess dal pievel cumin. Els èn stads a la testa dal moviment en lur cumbat cunter la participaziun a la UE, las chapellinas blaues da la ONU, per cassas da malsaus publicas e per ina politica da taglia che tegna quint dals basegns dals burgais e da las interpresas. La Lega ha cumbattì sco unica cunter las cunvegnes bilateras. Quellas èn sa mussadas gisti en il chantun Tessin, l'unic ch'è confruntà cun ina metropola europeica, sco fitig negativas per l'economia e sco betg socialas; perquai ils dus mottos: «Patrunz en nossa atgna chasa!» e «L'emprim lavur per nossa glieud!».

### Noss recept

A la Lega dei Ticinesi stattan nossas ragischs e nostra patria fitig a cor. Ina politica sociala che s'engascha per la glieud main privilegiada na dastga betg esser ina politica che gida tut. Il punct central da la politica sociala da la Lega è da far la differenza tranter quellas personas ch'èn stadas participadas a la creschientscha da noss pajais e quellas personas che profitan mo da noss pajais. Nus defendain nostra glieud cunter usurpaziuns ed ingiustias, nus cumbattain cunter l'abus en ils fatgs d'asil, tar l'immigraziun e las assicuranzas socialas. Nus crajain ad ina Svizra ferma ed independenta, en la quala il secret da banca è protégì e la quala stat en ina concurrenza fiscalia cun l'exterior. Nus vulain ina Svizra segira, in model federalistic per l'Europa.

## Cumbinai tenor Voss gust

En Svizra datti seguir dapli sorts da chaschiel che sezs en il Cussegl naziunal. Da chaschiels che lieuan sin la lieunga fin a chaschiels spezialmain dirs, da chaschiels cremus-miaiavels fin a chaschiels savurus e recents – il sortiment è grond, la tschnera difficila.

Tgi che na vul betg mo suandar las recumandaziuns d'ina partida, po prender per mauns il cedel electoral vid ed al emplenir. I sto però sa tractar en mintga cas dal cedel electoral vid uffizial. Na prendai pia betg x-in cedel.

Tgi che less tuttina sustegnair ina partida particularmain, po inscriver survart il numer da la glista ed il num da sia partida preferida. Uschia quintan las lingias vidas per questa partida.

Las schanzas d'ina candidata u d'in candidat da vegrir elegì s'augmentan sch'ils numbs vegnan scrits duas giadas, pia sch'els vegnan cumulads. Ma adatg: Simplificaziuns sco «dito» u virguelettes n'en betg permessas.



# Partida cristian-sociala PCS



## Onn da fundaziun

1997

## Vuschs obteginidas

en las elecziuns dal Cussegl naziunal 2007

0,4 %

## Commembraas e commembraas

1500

## Mandats en il Cussegl naziunal

1

## Mandats en il Cussegl dals chantuns

–

## Adressa postal

Eichenstrasse 79

3184 Wünnewil

## Adressa d'internet

[www.csp-pcs.ch](http://www.csp-pcs.ch)

Nus ans sentin cunresponsabels per quai che capitare nos e sin il mund ed ans engaschain là, nua ch'ido vorá solidaritat e toleranza. Cun nossa politica cumbattain nos per ina buna scolaziun accessibla a tutz, per in ambient intact, per in'economia responsabla, sociala ed ecologica, per ovras socialas fermas, per plazzas da lavour segiras per umans cun qualificaziuns diversas e per dapli solidaritat trantre las generaziuns.

### Noss recept

- Independents empè da corrupts: La PCS na survegn nagins daners da bancas, assicuranzas, cassas da malsausa e d'autras gruppas d'interess. Nus representant il interess dals umans che na pon investir nagins daners per defender lor interess particulars.
- Solidarics empè da rassistics: Per megliar la situaziun da las familias e da personas disfavorisadas economicamain e socialmain dovre ina gronda solidaritat – en noss pajais, en nossa societad – dentant er suror ils cunfinis naziunals. La solidaritat è la maulta che tegna ensemble nossa societad.
- Ecologic empè da sguazzus: Nossa societad sto emprender a contentar ses basegns pli ecologiamain. La PCS metta en dumonda il stil da viver postindustrial che sguazza las resursas da noss planet – spargnar per daventiar pli sauns e crescher cun qualidad, quai n'en per nos betg mo plets vids mabain alternativas valaivlas cunter la cretta imperturbabla al cresciamment ed al svilup.

# Tgi ma gida or da la buglia?

Difficultads en cuschina datti adina puspè. Er tar las elecziuns poi esser fitg bain ch'ins è malsegir, ch'ins n'ha betg propri chapì insatge u ch'ins è perfin impedìa da vuschar persunalmain, pervi d'ina malsogna u pervi d'in impediment. Nagina tema, Vossa vischnanca As gida.

Tscherts chantuns mettan a disposizion uschenumnadas urnas ambulantas, en auters èsi permess da trametter ina substituta u in substitut a l'urna cun la cuverta d'eleger serrada. Però: Il cedel electoral stuais Vus emplenir sezs. A persunas che n'en betg ablas da scriver possibilitescha ina procedura speziala ch'ellas possian tuttina eleger. Er en in tal cas As dat Vossa vischnanca tut las infurmaziuns necesarias.

Ed areguard il scriver anc quest: Suttascriver stuais Vus il certificat dal dretg d'eleger separà, ma en nagin cas Voss cedel electoral. Uschia perdess el sia valaivaldad. Quai vala er per tuttas sorts da remartgas u annotaziuns.

## La Sanestra



En vista a la crisa da la globalisaziun finanziaria, al creschament da las inegualidats socialas, a l'augment dals privels climatics, a la destrucziun dals servetschs publics ed a la privatisaziun da tut, crescha la necessitat d'ina autra organisaziun sociala che sa basa sin l'emancipaziun da l'uman. La Sanestra vul metter a disposiziun in'alternativa che possibilitescha a la burgaisa ed al burgais d'intervegnir en tut las sferas politicas. Ella vul reunir en ina medema forza politica naziunala tut ils currents da la sanestra concernent la transformaziun sociala ed ecologica.

### Noss recept

- La Sanestra è da l'avis che mintgin che viva en Sviza haja il dretg da pudair manar ina vita acceptabla en ina societad solidarica che garantescha che mintgin possia far valair ses dretgs fundamentals.
- Nagut na vegn bittà davent, nagut na va a perder, tut sto esser transformabel: La Sanestra vul in midament profund dal sistem da producziun. Ella è da l'avis che nus stoppijan prender cumià da l'idea che l'uman haja da servir ad ina logica da rendita e da profit. Per la Sanestra na dastga l'ecologia betg esser in privilegi da tschertas classas socialas, mabain duai esser accessibla a tuttas ed a tuts.
- La Sanestra pretenda ina repartiziun gista da las ritgezzas dal pajais cun favorisar taglias directas e progressivas.
- Ella vul sviluppar ina societad pli solidarica, nua ch'ils basegns ed ils servetschs fundamentals vegnan controllads en moda democratica.

Onn da fundaziun  
2009

Commembraas e commembraas  
1500

Mandats en il Cussegl naziunal  
1

Mandats en il Cussegl dals  
chantuns

Adressa postal  
2722 Les Reuilles

Adressa d'internet  
[www.alternative-linke.ch](http://www.alternative-linke.ch)

## In dessert merità

Sche Vus purtals Vossa cuverta electoralala a pe a l'urna la dumengia, ils 23 d'october 2011, ardais Vus tgunsch las calorias dal dessert merità. Tschertas urnas èn già avertas durant almain dus dis avant la data decisiva. Vus pudais dentant er inoltrar Voss cedel electoral en ina cuverta serrada a l'uffizi electoral u al metter en la chascha da brevs speziala da Vossa vischnanca.

En tut ils chantuns pon ins ozendi eleger per correspundenza. N'emblidai betg da francar correctamain Vossa cuverta. Vus avais la pussaivladad d'eleger per correspundenza er sche Vus essas a l'ester. Però: Il cedel electoral sto arrivar ad ura tar Vossa vischnanca da domicil resp. tar Vossa vischnanca burgaisa en Sviza.

L'elecziun per internet stat per entant a disposiziun sco emprova mo per las Svizras e per ils Svizzers a l'exterior da tscherts chantuns. La Chanzlia federala ed ils chantuns sa stentan da sviluppar vinavant questa purschida.



## Schuppa da giutta grischuna «Chesa Pirani»

cun in zic safran dal vitg alpin vallais Mund  
e cun in filet da litgiva engiadinalis

Ingredienzas per 4 persunas

75 g tschagulas

75 g por

50 g carottas

25 g sellerin

40 g schambun criv

25 g paintg

50 g giutta

15 g farina

1,5 l broda

Liom

1,5 dl groma

1 mellen d'ov

1 presa safran (eventualmain in pèr fils sco decorazion)

2-4 filets da litgiva (tut tenor la grondezza

basta in mez filet per persuna)

Tagliar tut ils legums ed il schambun criv en quadrins e stufer els en il paintg. Agiuntar la giutta e stufer er quella. Agiuntar la farina e derscher tiers la broda fraida. Coier la schuppa ca. 30 minutias fin che la giutta ed ils legums èn cotgs. Agiuntar il liom, laschar coier tut in pitschen mument, alura reducir la chalur e poschar ils filets da litgiva ca. 5 minutias en la schuppa.

Servir

Metter cun in chaz furà las ingredienzas en ils plats prestgaudads, pinar sin quellas il filet da litgiva, garnir cun tschagugliuns e servir uschia. A maisa: derscher tiers la schuppa or d'ina chanta.



**Per ulteriuras infurmaziuns**

[www.ch.ch/elecziuns2011](http://www.ch.ch/elecziuns2011)

[www.parlamentswahlen-2011.ch](http://www.parlamentswahlen-2011.ch) (en tudestg)

**Per dumondas:**

Numer da telefon gratuit 0800 2011 00

(dals 3 als 21 d'october 2011, glindesdi fin venderdi, 10–15h)

**Impressum**

Editura, concept e realisaziun: Chanzlia federala, 3003 Berna

Fotografias: Rolf Weiss, Berna

Recept da la schuppa da giutta grischuna: Dani Bumann, La Punt

Studio da cuschina: Urs Hauri, Berna

Chaschiel: Christoph Bruni, Thun

Spezarias: «La Cucina», Markthalle Berna

Dultscharias: Tschirren, Berna

Grafica da las partidas: sotomo ag, Universitat da Turitg

**Empustaziun:**

Uffizi federal per edifizis e logistica UFFL

Vendita da publicaziuns, 3003 Berna

Nr. d'empustaziun 104.025 r

[www.bundespublikationen.admin.ch](http://www.bundespublikationen.admin.ch)



# Moviment social liberal MSL



## Ni a sanestra, ni a dretga – vinavant!

Il MSL è en moviment da persunas independentas ed engaschadas cun la finamira da muventar la politica bloccada da noss pajais, resguardond las valurs democraticas, cristianas ed umanitaras e betg sut pressiun da partidas ed economia. Il MSL muventa!

*Social* – l'uman è il center da la politica: La protecziun da mintga singula persuna quinta ed il combat encunter l'ingiustia, la malundraivladad e l'abus.

*Liberal* – la libertad e la responsabladad èn inseparables: Nus ans engaschain per la libertad e per l'egalidad da tuts avant la lescha. *Independent* – ina nova consciencia da la basa: Blers umans èn dischillus da la politica che lavura mo per l'agen profit. Il MSL agescha en responsabladad e senza gieus da partida e mussa ch'ins po er agir auter en la politica.

Questa partida, ch'è vegnida fundada la stad 2011, è s'annunziada pir suenter la stampa da l'instrucziun civica per las elecziuns dal Cussegl naziunal. Gia ch'ella ha in represchentant en il Cussegl naziunal sa preschenta ella sin la pagina visavi en medema furma sco tut las otras partidas represchentadas en il Cussegl naziunal en la broschura stampada.

## Noss recept

- Energia – segira ed ecologica: per ina promozion immediata e cumplessiva d'energias regenerablas e per ina svelta renunzia a l'energia atomara
- Migraziun – consequenza e respect: per in combat effectiv dals abus, per la limitaziun da l'immi-graziun e per la protecziun da la populaziun e dal martgà da lavur
- Economia – sauna e responsabla: garantir plazzas da lavur, rinforzar ils manaschis pitschens e mesauns, reducir la birocrazia, franar speculants e profitunz
- Sanadad – garantida e pajabla: prestaziuns e cussegliazius integralas, nagin sistem da duas classas, dapli transparenza, nagina arbitrariadad tar pretschs e premias

**Onn da fundaziun**  
2011

**Commembraas e commembers**  
850

**Mandats en il Cussegl naziunal**  
1

**Mandats en il Cussegl dals chantuns**  
–

**Adressa postal**  
Chascha postală 555  
5004 Aarau

**Adressa d'internet**  
[www.slb-schweiz.ch](http://www.slb-schweiz.ch)